

קודם הלימוד יאמר: הנני רוצה ללמוד, פדי שיביאני התלמוד הזה לידי מעשה, ולידי מדות ישראל, ולידי ידיעת התורה. ואני מאמין באמונה שלמה ואמתית, שכל הטעמים והנקודות והתגין והאותיות שבתורתנו הקדושה, אף בספרי התורה, בהם תלויים עולמות עליונים קדושים ונעלמים לאין קץ ומספר ותכלית. והריני עושה לשם יחוד קודשא בריך הוא ושכינתיה בשם יהו"ה ובשם ארנ"י מתיחדים יאהרונה"י על ידי הנעלם בדחילו ורחימו ביחודא שלים בשם כל ישראל. ויהי נעם אדני אלהינו עלינו ומעשה ידינו פוננה עלינו ומעשה ידינו פוננהו.

ספר "יהושע" – פרק יא

א וַיְהִי כִשְׁמַע יְבִין מֶלֶךְ־חֲצוֹר וַיִּשְׁלַח אֶל־יֹוֹבָב מֶלֶךְ־מְדוֹן
וְאֶל־מֶלֶךְ שִׁמְרוֹן וְאֶל־מֶלֶךְ אַכְשָׁף: ב וְאֶל־הַמְּלָכִים אֲשֶׁר
מִצְפּוֹן בְּהַר וּבְעַרְבָה נֶגֶב כְּנָרוֹת וּבַשְּׁפֵלָה וּבַנְּפוֹת דּוֹר מִיָּם:
ג הַכְּנַעֲנִי מִמְזָרַח וּמִיָּם וְהָאֱמֹרִי וְהַחִתִּי וְהַפְּרִזִּי וְהַיְבוּסִי בְּהַר
וְהַחִוִּי תַחַת חֶרְמוֹן בְּאֶרֶץ הַמִּצְפָּה: ד וַיֵּצְאוּ הֵם וְכָל־מַחֲנֵיהֶם
עִמָּם עִם־רַב כַּחֹל אֲשֶׁר עַל־שַׁפְת־הַיָּם לְרַב וְסוֹס וּרְכָב
רַב־מְאֹד: ה וַיִּזְעְדוּ כָל הַמְּלָכִים הָאֵלֶּה וַיָּבֹאוּ וַיַּחֲנוּ יַחְדָּו
אֶל־מִי מָרוֹם לְהִלָּחֵם עִם־יִשְׂרָאֵל: ו וַיֹּאמֶר יְהוָה אֶל־יְהוֹשֻׁעַ
אֶל־תִּירָא מִפְּנֵיהֶם כִּי מִחַר כְּעֵת הַזֹּאת אֲנֹכִי נֹתֵן אֶת־כָּלָם
חֲלָלִים לְפָנָי יִשְׂרָאֵל אֶת־סוּסֵיהֶם תִּעַקֵּר וְאֶת־מַרְכָּבֹתֵיהֶם
תִּשְׂרֹף בָּאֵשׁ: ז וַיָּבֹא יְהוֹשֻׁעַ וְכָל־עַם הַמְּלָחָמָה עִמּוֹ עֲלֵיהֶם
עַל־מִי מָרוֹם פְּתָאִם וַיִּפְּלוּ בָהֶם: ח וַיִּתְּנֵם יְהוָה בְּיַד־יִשְׂרָאֵל

וַיְכַוֵּן וַיִּרְדְּפוּם עַד־צִידוֹן רַבָּה וְעַד מִשְׁרָפוֹת מַיִם
וְעַד־בְּקַעַת מִצְפֵּה מְזֻרְחָה וַיִּכְּם עַד־בִּלְתִּי הַשְּׂאִיר־לָהֶם
שְׂרִיד׃ ט וַיַּעַשׂ לָהֶם יְהוֹשֻׁעַ כַּאֲשֶׁר אָמַר־לוֹ יְהוָה
אֶת־סוּסֵיהֶם עֶקֶר וְאֶת־מִרְכַּבְתֵּיהֶם שָׂרַף בְּאֵשׁ׃ י וַיָּשָׁב
יְהוֹשֻׁעַ בָּעֵת הַהִיא וַיִּלְכֹּד אֶת־חֲצוֹר וְאֶת־מִלְכָּה הַכָּה בְּחָרֵב
כִּי־חֲצוֹר לְפָנִים הִיא רֹאשׁ כָּל־הַמְּמַלְכוֹת הָאֵלֶּה׃ יא וַיִּכּוּ
אֶת־כָּל־הַנֶּפֶשׁ אֲשֶׁר־בָּהּ לְפִי־חָרֵב הַחֶרֶם לֹא נֹתַר
כָּל־נִשְׁמָה וְאֶת־חֲצוֹר שָׂרַף בְּאֵשׁ׃ יב וְאֶת־כָּל־עָרֵי הַמְּלָכִים
הָאֵלֶּה וְאֶת־כָּל־מַלְכֵיהֶם לָכַד יְהוֹשֻׁעַ וַיִּכְּם לְפִי־חָרֵב הַחֶרֶם
אוֹתָם כַּאֲשֶׁר צִוָּה מֹשֶׁה עֶבֶד יְהוָה׃ יג רַק כָּל־הָעָרִים
הָעִמּוּדוֹת עַל־תֵּלָם לֹא־שָׂרַפָם יִשְׂרָאֵל זֹלָתִי אֶת־חֲצוֹר
לְבַדָּה שָׂרַף יְהוֹשֻׁעַ׃ יד וְכָל שְׁלַל הָעָרִים הָאֵלֶּה וְהַבְּהֵמָה בְּזֹזוֹ
לָהֶם בְּנֵי יִשְׂרָאֵל רַק אֶת־כָּל־הָאָדָם הָכּוּ לְפִי־חָרֵב
עַד־הַשְּׂמַדָּם אוֹתָם לֹא הִשְׂאִירוּ כָּל־נִשְׁמָה׃ טו כַּאֲשֶׁר צִוָּה
יְהוָה אֶת־מֹשֶׁה עֶבְדוֹ כִּן־צִוָּה מֹשֶׁה אֶת־יְהוֹשֻׁעַ וְכֵן עָשָׂה
יְהוֹשֻׁעַ לֹא־הִסִּיר דְּבַר מִכָּל אֲשֶׁר־צִוָּה יְהוָה אֶת־מֹשֶׁה׃
טז וַיִּקַּח יְהוֹשֻׁעַ אֶת־כָּל־הָאָרֶץ הַזֹּאת הָהָר וְאֶת־כָּל־הַנֶּגֶב
וְאֶת כָּל־אֶרֶץ הַגִּשֵׁן וְאֶת־הַשְּׁפֵלָה וְאֶת־הָעֲרָבָה וְאֶת־הַר

יִשְׂרָאֵל וּשְׁפִלְתָּהּ: יז מִן־הָהָר הַחֲלָק הָעוֹלָה שִׁעִיר וְעַד־בַּעַל
 גָּד בְּבִקְעַת הַלְּבָנוֹן תַּחַת הַר־חֶרְמוֹן וְאֵת כָּל־מַלְכֵיהֶם לְכַד
 וַיִּכְּמוּ וַיִּמְיָתוּם: יח יָמִים רַבִּים עָשָׂה יְהוֹשֻׁעַ אֶת־כָּל־הַמְּלָכִים
 הָאֵלֶּה מִלְחָמָה: יט לֹא־הִיָּתָה עִיר אֲשֶׁר הִשְׁלִימָה אֶל־בְּנֵי
 יִשְׂרָאֵל בְּלָתִי הַחַוִּי יֹשְׁבֵי גִבְעוֹן אֶת־הַכֹּל לָקְחוּ בַמְּלָחָמָה:
 כ כִּי־מֵאֵת יְהוָה הִיָּתָה לְחֹזֶק אֶת־לְבָבְךָ לְקַרְאֵת הַמְּלָחָמָה
 אֶת־יִשְׂרָאֵל לְמַעַן הַחְרִימָם לְבִלְתִּי הֵיוֹת־לָהֶם תַּחֲנָנָה כִּי
 לְמַעַן הַשְׁמִידֶם כַּאֲשֶׁר צִוָּה יְהוָה אֶת־מֹשֶׁה: כא וַיָּבֹא יְהוֹשֻׁעַ
 בָּעֵת הַהִיא וַיִּכְרַת אֶת־הָעֵנָקִים מִן־הָהָר מִן־חֶבְרוֹן מִן־דָּבָר
 מִן־עֵנָב וּמִכָּל הַר יְהוּדָה וּמִכָּל הַר יִשְׂרָאֵל עִם־עָרֵיהֶם
 הַחֲרִימָם יְהוֹשֻׁעַ: כב לֹא־נֹתַר עֵנָקִים בְּאֶרֶץ בְּנֵי יִשְׂרָאֵל רַק
 בְּעֵזָה בְּגַת וּבְאַשְׁדּוֹד וּבְנִשְׁאָרוֹ: כג וַיִּקַּח יְהוֹשֻׁעַ אֶת־כָּל־הָאָרֶץ
 כָּכֹל אֲשֶׁר דִּבֶּר יְהוָה אֶל־מֹשֶׁה וַיִּתְּנָה יְהוֹשֻׁעַ לְנַחֲלָה
 לְיִשְׂרָאֵל כַּמְּחֻלְקָתָם לְשִׁבְטֵיהֶם וְהָאָרֶץ שָׁקֵטָה מִמְּלָחָמָה:

ספר "יהושע" – פרק יב

א וַאֲלֵהּ ו מַלְכֵי הָאָרֶץ אֲשֶׁר הָכּוּ בְּנֵי־יִשְׂרָאֵל וַיִּרְשׁוּ
 אֶת־אֶרֶצָם בְּעֵבֶר הַיַּרְדֵּן מִזְרָחָה הַשָּׁמֶשׁ מִנַּחַל אַרְנוֹן עַד־הַר

חֶרְמוֹן וְכָל־הָעֲרָבָה מְזֻרְחָה: ב סִיחֹן מֶלֶךְ הָאֱמֹרִי הַיּוֹשֵׁב
בְּחֻשְׁבוֹן מִשָּׁל מֵעָרוֹעַר אֲשֶׁר עַל־שֵׁפֶת־נַחַל אֲרָנוֹן וְתוֹךְ
הַנַּחַל וַחֲצִי הַגְּלָעָד וְעַד יַבֵּק הַנַּחַל גְּבוּל בְּנֵי עַמּוֹן:
ג וְהָעֲרָבָה עַד־יָם כְּנָרוֹת מְזֻרְחָה וְעַד יָם הָעֲרָבָה יָם־הַמֶּלַח
מְזֻרְחָה דֶרֶךְ בֵּית הַיְשׁוּמוֹת וּמִתִּימָן תַּחַת אֲשֵׁדוֹת הַפְּסָגָה:
ד וּגְבוּל עוֹג מֶלֶךְ הַבָּשָׁן מֵיְתֵר הָרְפָאִים הַיּוֹשֵׁב בְּעִשְׁתָּרוֹת
וּבְאֲדָרְעִי: ה וּמִשָּׁל בְּהַר חֶרְמוֹן וּבְסֹלְכָה וּבְכָל־הַבָּשָׁן
עַד־גְּבוּל הַגְּשׁוּרִי וְהַמְעַכְתִּי וַחֲצִי הַגְּלָעָד גְּבוּל סִיחֹן
מֶלֶךְ־חֻשְׁבוֹן: ו מִשֶּׁה עֶבֶד־יְהוָה וּבְנֵי יִשְׂרָאֵל הַכּוֹס וַיִּתְּנָה
מִשֶּׁה עֶבֶד־יְהוָה יִרְשָׁה לָרְאוּבֵנִי וְלַגָּדִי וְלַחֲצִי שֵׁבֶט הַמְּנַשֶּׁה:
ז וְאֵלֶּה מַלְכֵי הָאָרֶץ אֲשֶׁר הִכָּה יְהוֹשֻׁעַ וּבְנֵי יִשְׂרָאֵל בְּעֵבֶר
הַיַּרְדֵּן יָמָּה מִבַּעַל גָּד בְּבִקְעַת הַלְּבָנוֹן וְעַד־הָהָר הַחֲלָק
הָעֵלָּה שְׁעִירָה וַיִּתְּנָה יְהוֹשֻׁעַ לְשִׁבְטֵי יִשְׂרָאֵל יִרְשָׁה
כַּמְחֻלְקָתָם: ח בְּהַר וּבְשִׁפְלָה וּבְעֲרָבָה וּבְאֲשֵׁדוֹת וּבַמְדְּבָר
וּבַנֶּגֶב הַחֲתִי הָאֱמֹרִי וְהַכְּנַעֲנִי הַפְּרִזִּי הַחֲוִי וְהַיְבוּסִי: ט מֶלֶךְ
יָרִיחוֹ אֶחָד מֶלֶךְ הָעִי אֲשֶׁר־מִצַּד בֵּית־אֵל אֶחָד: י מֶלֶךְ
יְרוּשָׁלַם אֶחָד מֶלֶךְ חֶבְרוֹן אֶחָד: יא מֶלֶךְ יְרֵמוֹת אֶחָד מֶלֶךְ
לְכִישׁ אֶחָד: יב מֶלֶךְ עֶגְלוֹן אֶחָד מֶלֶךְ גְּזֹר אֶחָד: יג מֶלֶךְ דְּבַר

אֶחָד מִלֶּךְ גִּדְר אֶחָד: יד מִלֶּךְ חֲרָמָה אֶחָד מִלֶּךְ עֶרֶד אֶחָד:
טו מִלֶּךְ לְבָנָה אֶחָד מִלֶּךְ עֵדָלָם אֶחָד: טז מִלֶּךְ מִקְנֵה אֶחָד
מִלֶּךְ בֵּית-אֵל אֶחָד: יז מִלֶּךְ תַּפּוּחַ אֶחָד מִלֶּךְ חֶפֶר אֶחָד:
יח מִלֶּךְ אֶפֶק אֶחָד מִלֶּךְ לְשָׂרוֹן אֶחָד: יט מִלֶּךְ מְדוּן אֶחָד
מִלֶּךְ חֲצוֹר אֶחָד: כ מִלֶּךְ שְׁמֵרוֹן מְרֵאוֹן אֶחָד מִלֶּךְ אֶכְשָׁף
אֶחָד: כא מִלֶּךְ תַּעֲנַן אֶחָד מִלֶּךְ מִגְדוֹ אֶחָד: כב מִלֶּךְ קֶדֶשׁ
אֶחָד מִלֶּךְ-יִקְנָעִים לְכַרְמֵל אֶחָד: כג מִלֶּךְ דוֹר לְנֶפֶת דוֹר אֶחָד
מִלֶּךְ-גּוֹיִם לְגִלְגָל אֶחָד: כד מִלֶּךְ תְּרַצָּה אֶחָד כָּל-מַלְכִים
שְׁלֵשִׁים וְאַחַד:



הנה מובא כאן לימוד ספרי נביאים וכתובים מחולק לכל השנה, שני פרקים ליום, כך יגמור כל ספרי נ"ך במעגל השנה – נא לפרסם בבתי כנסיות ובבתי מדרשות, ובשמחות, ולכל החברים וידידים, לזכות את הרבים לפרסם לימוד ספרי נ"ך המחולק בכל תפוצות ישראל, וכל המזכה את הרבים זוכה לבנים צדיקים, ואין חטא בא על ידו.

והגית בו יומם ולילה כ"ד ספרים נגד כ"ד שעות ביום ובלילה. (ספר הקדוש "דזיאל המלאך")
כ"ד ספרי המקרא הם עליו מליצי יושר, כמנין וחי, נוטריי ויתבוננו ח'סדי 'קו"ק. (הרמ"ע מפאנו)
וכמשמרות נטועים א"ר ברכיה הכהן ברבי כמשמרות כתיב ואנו קורין מסמרות לומר לך מה משמרות כהונה כ"ד אף ספרי תורה כ"ד ד"א למה כתיב כמשמרות ואנו קורין מסמרות ללמדך שאם קבעת אותם כמסמר בלבבך הם משמרין אותך. (מדרש תנחומא בהעלותך פרק טו)